

B O S N A I H E R C E G O V I N A
FEDERACIJA BOSNE I HERCEGOVINE
UNSKO – SANSKI KANTON
GRAD BOSANSKA KRUPA
GRADSKI ORGAN UPRAVE

Broj:09-20-1502/23

Dana: 06.11.2023. godine

Na osnovu člana 5. Pravilnika o vrstama, kriterijima i načinu raspodjela novčanih sredstava iz Budžeta Grada Bosanska Krupa za 2023.godinu - Poticaj za poljoprivredu ("Službeni glasnik grada Bosanska Krupa", broj: 2/23) i člana 1. Pravilnika o izmjeni Pravilnika o vrstama, kriterijima i načinu raspodjele novčanih sredstava iz Budžeta Grada Bosanska Krupa za 2023. godinu – Poticaj za poljoprivredu (Službeni glasnik grada Bosanska Krupa", broj: 9/23) Gradonačelnik grada Bosanska Krupa objavljuje:

JAVNI POZIV
za podnošenje zahtjeva za sufinansiranje troškova
kupovine visoko steonih junica

I Gradonačelnik grada Bosanska Krupa objavljuje Javni poziv za podnošenje zahtjeva za sufinansiranje troškova kupovine visoko steonih junica.

II Opći uslovi za ostvarivanje prava

Pravo na korištenje sredstava, a u skladu sa Pravilnikom o vrstama, kriterijima i načinu raspodjele novčanih sredstava iz Budžeta Grada Bosanska Krupa za 2023. godinu – Poticaj za poljoprivredu i Pravilnikom o izmjeni Pravilnika o vrstama, kriterijima i načinu raspodjele novčanih sredstava iz Budžeta Grada Bosanska Krupa za 2023. godinu – Poticaj za poljoprivredu, imaju pravna i fizička lica koja imaju prebivalište/sjedište na području grada Bosanska Krupa, koji su upisani u Registar poljoprivrednih gazdinstava i Registar klijenata u gradu Bosanska Krupa.
Službenu provjeru upisanih pravnih i fizičkih lica u Registar poljoprivrednih gazdinstava i Registar klijenata u gradu Bosanska Krupa obavlja nadležna služba.

III Posebni uslovi, kriteriji i način realizacije

Pravo na novčanu podršku ostvaruju pravna lica, obrti i fizička lica koja su izvršila kupovinu visoko steonih junica u 2023. godini. Pravna lica i obrti mogu ostvariti novčanu podršku za najviše 10 kupljenih steonih junica a fizička lica za najviše 3 kupljene steone junice.

Visina novčane podrške za sufinansiranje troškova kupovine visoko steonih junica je 1.000,00 KM/grlu. Ukoliko sredstva planirana za ovu mjeru budu nedovoljna izvršiti će se proporcionalno smanjenje novčanog iznosa po grlu/ kupljenoj junici kod svih klijenata.

Za ostvarivanje prava na novčanu podršku, po objavljenom Javnom pozivu, klijenti podnose zahtjev i slijedeću dokumentaciju:

- a) Dokaz o kupovini visoko steonih junica, poreznu fakturu i fiskalni račun (pravna lica i obrti), otpremnicu i fiskalni račun (fizička lica)
- b) Dokaz o izvršenoj uplati po ispostavljenom fakturi, za fizička lica se kao dokaz prihvata i fiskalni račun

- c) Pasoši životinja izdati u skladu sa Pravilnikom o obilježavanju životinja koji glasi na podnosioca zahtjeva, neovjerene kopije
- d) Dokument o prijavi kretanja životinja, Obrazac C
- e) Svjedodžba o zdravstvenom stanju životinja ili Potvrda o provedenim obaveznim mjerama koju izdaje nadležna veterinarska organizacija
- f) Pedigre certifikat (samo za grla iz uvoza), neovjerene kopije
- g) Jedinstvenu carinsku deklaraciju i dokaz o izmirenim carinskim obavezama (ako je podnosilac zahtjeva direktni uvoznik stoke)

Dokumenti koji se prilažu trebaju biti ovjerene kopije izuzev ako nije drugačije navedeno.

IV Postupak i provedba

Zahtjev sa propisanom dokumentacijom se podnosi Službi za obrt, poljoprivredu i poduzetništvo, putem pisarnice. Obrazac zahtjeva se može preuzeti u Centru za pružanje usluga građanima grada Bosanska Krupa.

Javni poziv se objavljuje na zvaničnoj web stranici Grada i oglasnim pločama i ostaje otvoren 15 (petnaest) dana od dana objavljivanja na zvaničnoj web stranici: www.gradbosanskakrupa.ba.

Nakon podnošenja zahtjeva, od strane nadležne službe, izvršiti će se obilazak mjesta proizvodnje podnosioca čiji zahtjevi su blagovremeni i kompletni i zapisnički konstatovati da li se steone junice za koje se traži novčana podrška nalaze na farmi podnosioca.

Nakon utvrđenog činjeničnog stanja sačinjava se Lista korisnika i donosi akt o odobravanju sredstava.

Sa podnosiocima zahtjeva kojima se odobri pravo na novčanu podršku Gradonačelnik potpisuje Ugovor kojim će se regulisati međusobna prava i obaveze.

Neblagovremene i nepotpune prijave će se odbaciti rješenjem na koje nezadovoljni aplikanti imaju pravo žalbe u roku od 5 (pet) dana od dana prijema rješenja Komisiji Gradskog vijeća za zaštitu ljudskih prava i građanskih sloboda.

Aplikantima koji ne ispunjavaju uvjete dostavit će se obavijest na koju isti imaju pravo žalbe u roku od 5 (pet) dana od dana prijema obavijesti Komisiji Gradskog vijeća za zaštitu ljudskih prava i građanskih sloboda.

Rješenje o ostvarivanju prava na novčanu podršku donijet će se za aplikante koji ispunjavaju uvjete javnog poziva.

Na rješenje o ostvarivanju prava na novčanu podršku nezadovoljni aplikanti imaju pravo žalbe u roku od 5 (pet) dana od dana prijema rješenja Komisiji Gradskog vijeća za zaštitu ljudskih prava i građanskih sloboda.

Obrađivač: Skenderović Asima

GRADONAČELNIK
Armin Halitović

Dostaviti:

1. Zvanična web stranica grada, www.gradbosanskakrupa.ba.
2. Oglasne ploče (Bos. Krupa, Bos. Otoka, Jezerski)
3. JP „Radio Bosanska Krupa“
4. Služba za obrt, poljoprivredu i poduzetništvo
5. A/a